



NUKISSIORFIIT

NUKISSIORFIIT

Innaallagissamik kiassaanermik

**tamanik pilersuinermini nalinginnaasumik
piumasaqaataat**

Nr. 2, 1. 01.07 2024-mit atuutilersut

NUKISSIORFIIT INNAALLAGISSAMIK KIASSAANERMIK TAMANIK PILERSUINERMINI
NALINGINNAASUMIK PIUMASAQAATAAT NR. 2, 01.07 2024-MIT ATUUTILERSUT

Nukissiorfiit innaallagissamik pilersuinermi nalinginnaasumik piumasaqaatit, takussutissat ilanngullugit, Nukissiorfiit makkulu akornanni inatsisitigut tunngavissatut uppersaataapput pingaaruteqartut

- Illunik aamma inissianik nammineq pigisanik pigisallit (piginnittoq) innaallagissamik pilersuinermit attavilerneqarsimasut,
- Innaallagissamik pilersuinermit atuisut (atuisoq) aamma
- El-installatøritut akuerisaasut suliarinnittartut (el-installatørit)

Oqaasertalersornerani sullitaq ataatsimoortumik taaguuserneqarpoq piginnittoq aamma atuisoq, siunertaqartutut isumaqarfigineqarpat. Sullitaq tassaavoq inatsisitigut inuk, Nukissiorfiit akiliisarnissamat uuttuutaanut ataatsimut arlalinnulluunniit nalunaarsimasoq nalunaarsorsimasorlu.

Piginnittoq, atuisoq aamma el-installatøri Nukissiorfiit pilersuinermi nalinginnaasumik piumasaqaataasa imarisaat ilisimasariaqarpat, sammisat taassumunnga attuumassuteqartut eqqarsaatigalugit.

Piginnittut, atuisut aamma el-installatørit kiisalu Nukissiorfiit qaqugukkulluunniit inatsisit, peqqussutit, nalunaarutit innersuussutit il.il. atuuttut eqquutsinnissaannut pisussaapput. Taakkunanga makku immikkut erseqqissaatigineqarput:

- Inatsisartut peqqussutaat nr. 2, 31. oktober 1991-imeersoq aamma Inatsisartut peqqussutaat nr. 3, 16. maj 2008-meersoq, kiassaateqarfinnut innaallagissamik kiassarneqartunut (elektrokedler) erngup nukinganik nukissiorfinnit attavilersinnissamik pisusaanermit tunngasoq
- Sanaartukkat innaallagissamat sakkortuumut atugassat atortullu innaallagiatortut pillugit Inatsisartut peqqussutaat nr. 12, 3. november 1994-imeersoq (2019-imi allannguuteqartoq)
- Nukissamik pilersuineq pillugu Inatsisartut peqqussutaat nr. 14, 6. november 1997-imeersoq (2007-imi aamma 2017-imi allannguuteqartoq)
- Innaallagissamik pilersuinermit atortunut atortunullu allanut atassusiinermit malittarisassat aalajangersarneqarnerat pillugu Namminersornerullutik Oqartussat nalunaarutaat nr. 13, 11. juni 1996-imeersoq ("Fællesregulativet, Tilslutning af elektriske installationer og brugsgenstande" (FR), kalaallisut ilassut ilanngullugu)
- Nukissiuutinit ataavartunit innaallagissamik sinneruttumik suliffeqarfinnut pilersuisuusunut pilersuineq tunisisarnerlu pillugit Namminersorlutik Oqartussat nalunaarutaat nr. 21, 9. december 2013-imeersoq (nammineerluni tunisassiornermit nalunaarut)
-
- Innaallagissamat, imermut ataatsimoortumillu kiassarnermit il.il. akigitat aalajangersaasarneq pillugu Namminersorlutik Oqartussat nalunaarutaat nr. 22, 22. december 2017-imeersoq
- Kalaallit Nunaanni innaallagissamat sakkortuumut atortut pillugit ataatsimut aalajangersakkat (FBSG)
- [Innaallagissamik kiassaanermik qaminneqarsinnaasumik aqutsinermik ingerlatsinissaq pillugu ilitsersuut](#)

Imarisai

1. Nassuiaatit
2. Aallarniutaasumik aalajangersakkat
3. Attavilersinnermut aalajangersakkat
4. Kiassaatit innaallagiatortut atortui
5. Ingerlatsineq aamma aserfallatsaaliuineq
6. Maalaaruteqarsinnaaneq

1. Nassuiaatit

Innaallagissamik kiassaaneq

1.1

Innaallagissamik kiassaaneq periutsit marluk atorlugit akilersinneqartarpoq: innaallagissamik kiassaanertut aalajangersimasutut imaluunniit innaallagissamik kiassaanertut qaminneqarsinnaasutut.

Innaallagissamik kiassaaneq aalajangersimasoq

1.1.1

Innaallagissamik kiassaanermi aalajangersimasumi kiassaait innaallagiatortut, kiassaanermut pumpit imaluunniit silaannarissaat kiammik atueqqittartoq atorlugit illu kiassarneqartarpoq, kiisalu imeq kissartoq angerlarsimaffimmi atorneqartussa q kissatsinneqartarpoq imermut kissaat innaallagiatortoq atorlugu. Innaallagissamik kiassaaneq uunnaavissuaq innaallagiatortoq imaluunniit kiassaanermut pumpi kiassaateqarfimmi imermik kaaviiartitsisoq atorlugit pilersinneqarsinnaavoq.

Innaallagissamik kiassaaneq ineqarfigisami imaluunniit inuussutissarsiuteqarfimmi taamaallaat inimik kiassaanermut aamma imermut kissartumut angerlarsimaffimmi atorneqartussamut atorneqaqqusaavoq. Innaallagissamik kiassaaneq aalajangersimasoq saunami kissarsuutitut imaluunniit assigisaannut atorneqarnissaa akuersissutigineqarsinnaanngilaq.

Innaallagissamik kiassaaneq qaminneqarsinnaasoq

1.1.2

Innaallagissamik kiassaaneq qaminneqarsinnaasoq tassaavoq kiassaanermut atortoq kiassaatitut uuliatortunut atassutilik. Kiassaanermut atortup kiak kiassaanermut atorneqartussa q pilersittarpaa aamma imeq kissartoq angerlarsimaffimmi atorneqartussa q uunnattarlugu, ataavartumik nukissiamik nukissiorfiup innaallagissamik pilersuinera sumiiffimmi tamanik pilersuinermi naammakkallartillugu.

Innaallagissamut uuttuut

1.2

Uuttuut, innaallagissap atorneqartup qanoq annertutiginerani uuttuisartoq.

Attavilerfiup sumiiffia

1.3

Sumiiffik Nukissiorfiit pilersuinermit aqquataaniittoq tassani ledningi attaviliissut ikkunneqarluni. Attavilerfiup sumiiffia tassaasinnaavoq sakkortusaavik (transformerstation) sikaavik kabeliisivik imaluunniit napparussuaq.

Ledningi attaviliissut

1.4

Attavilerfiup sumiiffianit aamma sullitap ikkussugaataasa akornanni attaviliineq.

Ledningi pingaarneq

1.5

Sullitap ikkussugaataanut uuttuutip aamma innaallagissamik kiassaanermut katersuiffiup (tavle) akornanni ledningi attaviliissut.

NUKISSIORFIIT INNAALLAGISSAMIK KIASSAANERMIK TAMANIK PILERSUINERMINI
NALINGINNAASUMIK PIUMASAQAATAAT NR. 2, 01.07 2024-MIT ATUUTILERSUT

2. Aallarniutaasumik piumasaqaatit

El-installatøri akuersissummik pigisaqartoq

2.1

Innaallagissamik kissaanermut atortunik akuersissummik pigisaqarnissamik piumasaqaatitalinnik sunilluunniit suliaqarneq, el-installatørimik akuersissummik pigisaqartumik suliarineqassapput.

Suliarineqartut sulluunniit akuersissuteqarneq naapertorlugu suliarineqassapput aammattaaq innaallagialerinermit tunngatillugu maleruaqqusat aamma inatsisit qaqugukkulluunniit atuuttut malineqassapput.

Pitsaassuseq

2.2

Nukissiorfinnit anguniarneqarpoq aalajangersimasumik pitsaasumik pitsaassusilimmik pilersuinissaq nalinginnaasumik sakkortussuseqartumik, tassa 3 x 230/400 V. tak. Kalaallit Nunaanni innaallagissamut sakkortuumut atortut pillugit ataatsimut aalajangersakkat (FBSG).

Nukissiorfiit taamaallaat attavilerfiup sumiiffianut inaallagissamik pilersuinissaq akisussaassuseqarfigaa. Ajoqutit aamma amigaataasut attavilerfiup sumiiffiata eqqaaniittut aamma ikkussukkat attavilerfiup sumiiffiata kingornaniittut Nukissiorfinnit akisussaaffigineqanngillat.

3. Attavilersinnermut aalajangersakkat

Innaallagissamik kiassaaneq aalajangersimasoq

3.1

Nukissiorfinnit innaallagissamik kiassaanermik nutaanik attaviliinissaq neqeroorutigineqanngilaq. Tamanna imatut paasineqassaaq innaallagissamik kiassaanermik aalajangersimasumik kiassaaneq taamaallaat akuerineqareersimasunut atuuppoq taamaattumillu sanaartukkanut nutaanut atuunnani.

Sanaartukkat nutaat Nukissiorfinnit imatut nassuiaaserneqarpoq sanaartugaq nutaammik B-normulik imaluunniit nunaminertaq illup allineqarfiata eqqaani illup pioreersup nunaminertaata assinga. Nutaamik sanaartortoqartillugu kiassaanermut atortunut aningasaliissutit aamma ikkussiffissamut ikkussinerit illumik piginnittup akilissavai. Illuliani nutaani kommunimut pilersaarummut ilassut malinneqarpoq, tamaani nalinginnaasumik tamanut pilersuinermin Nukissiorfiit innersuussinera tunngavigalugu kiassaanermut, innaallagissamut imaluunniit ungasianit kiassaanermut attavilerneqarnissaq pisussaaffiuvoq.

Innaallagissamik kiassaaneq qaminneqarsinnaasoq

3.2

Illoqarfinni aamma nunaqarfinni ataavartumik nukissiamik nioqqutissiornermit nioqqutissiorsinnaanermut annertunerusumik nioqqutissiorartoqarpat, taava innaallagissamik kiassaanermik qaminneqarsinnaasumik ikkussisoqarsinnaavoq, sumiiffimmi taamaaliorsinnaanermut piaareersarneqarsimappat. (kiassaanermut periarfissat pillugit nunap assinga takuuk).

Innaallagissamik kiassaanermik qaminneqarsinnaasumik ikkussuisoqarnerani pilersuinermit sillimmatissamik pigisaqarnissaq piumasaqaataavoq, nalinginnaasumik kissarsuummik uuliatortumik taamaaliornikkut kiassaaneq pisariaqartinneqartoq pigineqassamat kiassaanermik tamanik pilersuineq atungikkaluarlugu.

Inatsisit atuuttut tunngavigalugit sullitap qaqugukkulluunniit kiassaanissamut pisariaqartitani matussusersinnaasussaavaa innaallagissamik kiassaaneq qaminneqarsinnaasoq kisiat isumalluutiginaq, tassami Nukissiorfiit qaqugukkulluunniit siumut ilimasaaruteqaqqaarnani innaallagissamik kiassaanermut qaminneqarsinnaasumut innaallagissamik pilersuineq piffissami sivirusinnaasumi unitsissallugu periarfissaqartussaamat.

Nukissiorfiit inatsisit atuuttut naapertorlugit sullitat oqartussaasut pigisaat aamma privatit, kiassaanermut atortunik pigisallit uunnaavissuarnik innaallagiatortunik ikkussuisussanngorlugit peqqusinnaavaat, taamaaliornikkut kiassaanissaq siunnertaralugu innaallagissamik atuisussanngorlugit.

Sullitaq pisussaaffeqarpoq innaallagissamik pisissalluni ima annertussuseqartumik uunnaavissuup innaallagiatortup kiassaanermik pilersuineranut naammattumik. Tamatuma saniatigut pisariaqartitaq sullitap nammineq kiassaanermut atortuminik matussusissavaa, taamaattumik taanna aallartinneqarnissaminut piareersimatinneqartuassaaq aamma aserfallatsaalineqarsimassalluni.

Innaallagissamik kiassaanermik qaminneqarsinnaasumik atuinissamut peqqusinikkut uunnaavissuarmik innaallagiatortumik ikkussuineq Nukissiorfinnit isumagitissavaa aamma Nukissiorfiit akilissavaat. Sullitap uunnaavissuup innaallagiatortup sumut inissinnissaanut il.il. piumasaqaatai sapinngisamik mianerineqassapput. Nukissiorfiit qinnuteqaateqartoq suleqatigalugu aalajangissavaat uunnaavissuup innaallagiatortup qanoq angissuseqarnissaa, imatut angissuseqartariaqanngilaq sullitap annerpaamik atuinissamut pisariaqartitai tunngavigineqassallutik. Kiassaanermut teknologimi atortut allat innaallagissamut qaminneqarsinnaasumut ikkunneqarnissaat kissaatigigaanni, tamanna Nukissiorfiit nittartagaat aqqutigalugu qinnuteqaateqarnissamut immersugassaq immersorlugu qinnuteqaatigineqarsinnaavoq.

**Innaallagissamik
kiassaanissamut
qinnuteqaateqarneq**

3.3
Innaallagissamik kiassaanermik qaminneqarsinnaasumik attavilerneqarnissamut qinnuteqaateqarneq Nukissiorfiit nittartagaanni qinnuteqaateqarnissamut immersugassamik ilitsersuineq malillugu ingerlanneqassaaq ugguuna;
<https://nukissiorfiit.gl/da/Produkter/Varme/Elvarme>

**Ikkussorneqarsimasunik
atuisunngortutut
nalunaaruteqarneq**

3.4
Innaallagissamik kiassaanermut ikkussukkanik atuisunngorneq elektroniskiusumik pissaaq www.eltilmelding.dk aqqutigalugu, taamaaliussaaq el-installatøri akuersissummik pigisaqartoq sullitap innaallagissamik kiassaanissamut qinnuteqaateqarneranik Nukissiorfiit akuersissuteqareernerisa kingornatigut kingusinnerpaamik qaammatit aqqaneq marluk qaangiutsinnagit. Innersuussutigineqarput Kalaallit Nunaanni innaallagissamut sakkortuumut atortut pillugit ataatsimut aalajangersakkat (FBSG) aammattaaq Nukissiorfiit El-installatørinut ilitsersuutaat.

Ikkussukkanik atuisunngortutut aamma naammassineqarneranik nalunaaruteqarnissaaq el-installatørip suliamik suliarinnissimasup akissussaaffigaa.

Ikkussukkat atuisunngortutut nalunaarutigineqarnerat kingusinnerpaamik piffissarititaasup qaangiunnissaa sioqqullugu pinngippat, taava innaallagissamik kiassaanermut akuersissut atorunnaassaaq, kiisalu nutaamik qinnuteqaateqartoqassaaq.

4. Inaallagissamik kiassaanermut ikkussuinerit

Pilersaarusiorneq aamma suliarinera

4.1

Innaallagissamik kiassaanermut ikkussugassat sulluunniit pilersaarusiorneqassapput aamma akuersissut naapertorlugu inatsit qaqugukkulluunniit atuuttoq aammattaaq Nukissiorfiit innersuussutaat naapertorlugit suliarineqassallutik.

Ikkussukat pilersaarusiorneqanngippata aamma qulaani taaneqartut naapertorlugit suliarineqanngippata ikkussukat pineqartut allanngortinneqarnissaat Nukissiorfiit piumasarisinnaavaat. Tamanna pinngippat Nukissiorfiit pilersuinerup matuneqarnissaanut pisinnaatinneqarput.

Ikkussorneqarneri

4.1.1

Innaallagissamik kiassaanermut ikkussukat innaallagissamut ikkussukat allat innaallagiaanit immikkoortinneqassapput aamma attuumatinneqassanatik. Innaallagissap aqputai pingasunik faseqartinneqarlutik annertussuserneqassapput.

Atuinermut uuttuutini ikkussineq

4.2

Innaallagissamik kiassaanermut innaallagissamik atuinermut uuttuummik immikkoortinneqartumik ikkussisoqassaaq innaallagissamik kiassaanermut akigititat tunngavigalugit akilersuisoqassamat. Uuttuut innaallagissamut nalinginnaasumut uuttuutip sanianut inissinneqassaaq.

Tamatuma saniatigut Nukissiorfiit innaallagissamik, imermik aamma kiassaanermik tamanut pilersuinermini tuniniaanermut piumasaqaataanni atuinermut uuttuutini pilersitsinermut tunngasut innersuussutigineqarput.

Illup iluani pilersuinermut kabeli

4.3

Innaallagissamut uuttuummit innaallagissamik pilersuinermut kabeli pingasunik fasilik aamma nulederilik innaallagissamik kiassaanermut tavlimut ingerlatinneqassaaq.

Innaallagissamik kiassaanermut kabelit katersuuffiat (tavle)

4.4

Innaallagissamik kiassaanermut immikkoortumik tavlimik ikkussisoqassaaq ikkussukkanut allanut tavlip saniani. Tavlip tamassuma sannaata tulluurtumik aqerlortinnissaa periarfississavaa.

Qanoq sakkortutigisumik atuinermik nalunaaruteqarneq tunngavigalugu sikringip saavaniittussap angissusissaa aalajangerneqartarpoq, taanna tassaasinnaalluni sikringi aattartoq imaluunniit automatiskiusoq, pisariaqartitsineq aamma suna akuersissutigineqarsimanersoq naapertorlugu.

Nullederi ikkutanut ingerlatinneqassanngilaq, kisianni tavlip iluani aqutsinermut siunertaqartumut atorneqarsinnaalluni. Nullederi taamaallaat illup iluani pilersuinermi kabelip naaneraniit peerneqassaaq aqutsinermi gruppinit ingerlatinneqarsinnaalluni, ingerlateqqinneqarnanili.

Atortut kiammik pumpit kiassaanermut atorneqartutut pineqarpata, taava nul-lederi ikkussukkanut ingerlatinneqarsinnaavoq.

*Innaallagissamik
kiassaaneq
aalajangersimasoq*

4.4.1

Ataatsikkut qamittaatit kiggiguserneqassanngillat imaluunniit nul-
imut qamittaaserneqassanngillat. Aquttaatilli tamatumani
pineqanngillat 230V natermik kiassaanermut kabelit
ataatsimoortut imaluunniit 3 x 400V/230 V- pumpimik
kiassaanermut gruppimi, tak. imm. 4.6.1 atortunut kiassaanermut
atortulikkanut (termiske apparater) tunngasoq, innaallagissamik
kiassaaneq aalajangersimasoq.

*Innaallagissamik
kiassaaneq
qaminneqarsinnaasoq*

4.4.2

Innaallagissap aqquataasa katersuuffianni (tavle) innaallagissamik
kiassaanermut atortunik ikkussukkanik aqutsilluni qamitsinissamut
periarfissiisoqassaaq. Aqutsinissamut atortut Nukissiorfinnit
aalajangerneqassapput "Anvisning i udførelse af styring for
afbrydelig elvarme" [[Innaallagissamik kiassaanermik
qaminneqarsinnaasumik aqutsinerup ingerlannissaanut
ilitersuut](#)].

Ataatsikkut qamittaatit imaluunniit nuulumut qamittaat
kiggisinneqassanngillat. Taamaattorli tamatumani pineqanngillat
aqutsinermut gruppi imaluunniit 3 x 400V/230 V-uunnavissuit
innaallagiatortut imaluunniit uunnaavissuit ataatsimoortut arlariit,
tak. imm. 4.6.2 atortunut kiassaanermut atortulikkanut (termiske
apparater) tunngasoq, innaallagissamik kiassaaneq
qaminneqarsinnaasoq.

*Ataatsikkoortumik/
tulleriaartumik attaviliineq*

4.4.3

Innaallagissamik kiassaanermut atortunik angisuunik
ikkussuinermi piumasaqaatigineqarsinnaapput kiassaanerup
sakkortussusianik ataatsikkoortumik imaluunniit tulleriaartumik
attaviliineq atorlugit attaviliisoqarnissaa.

**Atortut
ikkussorneqartut**

4.5

Innaallagiatortunut ikkussuiffiit aamma ingerlatitseqqiffiit
amerlatinnaversaarneqassapput. Periarfissaappat ikkussukat
aalajangersimasut atortunut kiassaanermut atortulikkanut
(termiske apparater) kiassaanermut atortumut ikkunneqassapput
tassungalu naanera ikkullugu.

**Atortut kiassaanermut
atortulikkat (termiske
apparater)**

4.6

*Innaallagissamik
kiassaaneq
aalajangersimasoq*

4.6.1

Atortut kiassaanermut atortulikkanut (termiske apparater) 400 V-
mik sakkortussusillit, ininik kiassaanermut aamma imermik illumi
atugassamik kiassaanermut naatsorsuutigineqartut taamaallaat
ikkuteqqusaapput. Atortut kiassaanermut atortulikkat tamarmik
(termiske apparater) aalajangerlugit ikkussorneqassapput.

Kiassaanermut kabelit natsermik kiassaanermut naatsorsuussat
230 V-mut ikkunnissaat akuerineqarpoq, imaappat sakkortussusiat
kissaatigineqartoq 400 V-mut ikkunneranni
anguneqarsinnaanngippat. Innaallagissamik kiassaanermut
kabelinik 230 V-mut ikkussineq toqqorneqassaaq (qumartitsineq
imaluunniit innaallagissamut ikkuffik iikkamut morsutsitaq).
Innaallagissamik kiassaanermut kabelinik aqutsineq
innaallagissamik kiassaanermut katersuiffimmut (tavle)
inissinneqassaaq.

Kiassaanermut pumpit 3 x 400/230 V-mut ikkunneqarnissaat

akuerineqarpoq, imaappat atortumik 3 x 400 V-nut kompressorilimmik pissarsisoqarsinnaanani. Ikkussuineq imatut suliarineqassaaq innaallagissamut ikkuffimmut imaluunniit ingerlatitseqqiffimmut toqqaannartumik ikkunneqassaaq kiassaanermut pumpimut naanera ikkullugu.

Silaannarissaatini innaallagissamik kiassaanermut atortut ikkunneqarnissaat akuerineqarpoq imaappat kiassaanermut immikkoortoq immikkut ikkunneqarsinnaalluni.

Silaannarissaatit kiammik atueqqissinnaasut sakkortussusiat tamarmiusoq 2,5 kW angullugu sakkortutigisoq 3 x 400/230 V-mut ikkunneqarnissaat akuerineqarpoq, imaappat innaallagissamik kiassaanermut immikkoortuanut immikkut ikkuffilimmik atortumik pissarsisoqarsinnaanani. Ikkussuineq imatut suliarineqassaaq innaallagissamut ikkuffimmut imaluunniit ingerlatitseqqiffimmut toqqaannartumik ikkunneqassaaq silaannarissaammut naanera ikkullugu.

*Innaallagissamik
kiassaaneq
qaminneqarsinnaasoq*

4.6.2

Uunnaavissuit innaallagiatortut imaluunniit uunnaavissuit ataatsimoortut kiassaanermut atortulikkat (termiske apparater) 400 V-mik sakkortussusillit ikkunneqarsinnaapput. Uunnaavissuit innaallagiatortut imaluunniit uunnaavissuit ataatsimoortut 3 x 400/230 V-mut ikkunneqarnissaat akuerineqarpoq, imaappat noor'lumut aqqut taamaallaat uunnaavissuarmut innaallagiatortup aqunneqarnissaanut ikkunneqarpat. Ikkussuineq imatut suliarineqassaaq innaallagissamut ikkuffimmut imaluunniit ingerlatitseqqiffimmut toqqaannartumik ikkunneqassaaq uunnaavissuarmut innaallagiatortumut naanera ikkullugu.

Kiassaanermut pumpit 3 x 400/230 V-mut ikkunneqarnissaat akuerineqarpoq, imaappat atortunik 3 x 400 V-mut kompressorilinnik pissarsisoqarsinnaanani. Ikkussuineq imatut suliarineqassaaq innaallagissamut ikkuffimmut imaluunniit ingerlatitseqqiffimmut toqqaannartumik ikkunneqassaaq kiassaanermut pumpimut naanera ikkullugu.

Uunnaavissuarni ataatsimoortuni uuliamik ikummarissitsitsisartup aamma pumpi kaaviiartitsisup innaallagissamut attavilerneqarnissaat innaallagissap aqqutaanut qullernut/nukissiamut atorineqartumut nalinginnaasumut ikkunneqassaaq.

5. Ingerlatsineq aamma aserfallatsaaliuineq

Ataatsimut isigalugit

5.1

Illumi innaallagissamik kiassaanermut atortut
ikkussorneqarsimasut illersorneqarsinnaasumik
pitsaassuseqartinneqartuaannassapput.

Innaallagissamik kiassaanermut atortut ikkussorneqarsimasut

5.2

Nukissiorfiit innaallagissamik pilersuinermini nalinginnaasumik
piumasaqataat innersuussutigineqarput.

6. Maalaaruteqarnissamut periarfissat

Maalaaruteqarnissamut periarfissat

6.1

Atuisoq Nukissiorfiit pilersuinerannit imaluunniit akiligassanit il.il. naammagisimaarinninngikkuni, taava sapaatit akunnerisa sisamat ingerlanerini Naalakkersuisoqarfimmut akisussaaffeqarfeqartumut maalaaruteqarsinnaavoq.